

# In cumenzament da scola „cotschen“ per dapli segirezza

Il 21 d'avust 2006 cumenza il nov onn da scola en la gronda part da las vischnancas grischunas. Millis scolaras e scolaras cumenzan la scola quest atun. La polizia chantunala dal Grischun e la polizia da la citad da Cuira sco er la CMP lantschan in'acziun communabla per il cumenzament da la scola: En l'entir Grischun vegnan repartids chapels cotschens a las scolarinas ed als scolarins da l'emprima classa. Quests chapels cun pala dattan en egl en il traffic sin via e daventan in'attracziun per las automobilistas e per ils automobilists. Centrala è la segirezza da las scolarinas e dals scolarins da l'emprima classa.

Blers uffants dumbran gia oz ils dis fin che la scola cumenza uffizialmain. Il mintgadi da scola vegn a chaschunar intginas midadas. Tranter auter vegn barattada l'enconuschenta via da scolina cun ina nova via da scola. Sch'i ston vegnir traversadas vias sin quella, è quai in grond privel per las pitschnas e per ils pitschens. La polizia s'engascha ensemen cun la CMP per minimalisar quests privels ed ella sa stenta da garantir ina via da scola segira.

L'engaschi serva a la segirezza ed en il senn pli vast a promover il moviment dals uffants. Il surpais è fitg derasà tar uffants. In med cunter quai è da sa mover sufficientamain en il mintgadi, er sin

la via da scola. Cun exercitar situaziuns difficilas specificas en il traffic sin via vegnan promovidas l'indipendenza e la confidenza en sasez dals uffants. Quest trenament en il traffic levgescha als geniturs da laschar ir lur uffants a pe a scola.

L'acziun vegn sustegnida cun placats „Cumenzament da scola! Attenziun uffants!“ e cun flyers. Las collavuraturas ed ils collavuratur da las basas da la polizia da traffic, dals posts da polizia e da l'instrucziun da traffic vegnan a survegliar las vias da scola durant l'emprima emna. Gia la segunda emna da scola cumenza l'instrucziun da traffic en las scolinas.

En spezial renda la polizia chantunala attents tut las participantas e tut ils participants da traffic a lur funcziun d'exempel. Ils uffants emprendan il meglier cun imitar, tant en il senn positiv sco er en il senn negativ. Tuts duessan esser conscients da quest fatg e gidar – cun lur cumportament – a cuntanscher ina buna instrucziun da traffic.

## Tips per ina via da scola segira

Accumpagnai Voss uffant pliras giadas sin la via da scola u tar il bus da scola. Na tschernì betg la via la pli curta, mabain la via la pli segira. Sche Vus giais a prender Voss uffant, spetgai directamain



Chapels cotschens per scolarinas e scolarins da l'emprima classa.

a la sortida da la scola e betg da l'autra vart da la via.

Faschai stim che Voss uffant sa fermia, avant che metter pe sin la via (spetgar, guardar, tadlar, chaminar). Voss uffant duai spetgar tar la strivla melna, fin ch'ils autos èn sa fermads dal tutfatg.

Tramettai Voss uffant a temp a scola. Currim e prescha augmentan la ristga d'accidents.

Laschai ir a scola cun velo Voss uffant pir cur che Vus essas segirs ch'el vegn a frida cun il traffic e pir cur che la scola e pir cur che Vus retegnais quai per bun. Insisti che Voss uffant portia ina chapellina e la purtai er sez.

**Polizia chantunala dal Grischun**



La segirezza da scolaras e scolaras è centrala.